

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), a u vezi sa članom 48. Zakona o visokom obrazovanju – prečišćeni tekst („Službene novine Tuzlanskog kantona broj: 21/21, 22/21, 5/22, 11/22, 16/22 i 5/25), tačkom III Odluke o utvrđivanju uslova i kriterija za imenovanja u regulirane organe – prečišćeni tekst („Službene novine Tuzlanskog kantona“, broj: 4/12) i Odluke o izmjenama i dopunama Odluke o utvrđivanju uslova i kriterija za imenovanje u regulirane organe („Službene novine Tuzlanskog kantona“, broj: 6/12, 8/14, 12/15, 14/15 i 12/24), te Odluke Vlade Tuzlanskog kantona broj: 02/1-30-11604/25 od 22.04.2025. godine, Ministarstvo obrazovanja i nauke Tuzlanskog kantona objavljuje:

JAVNI KONKURS
za imenovanje predsjednika i članova Upravnog odbora u JU Univerzitet u Tuzli
iz reda osnivača

1. Objavljuje se javni konkurs za imenovanje predsjednika i četiri člana upravnog odbora JU Univerzitet u Tuzli (u daljnjem tekstu: Univerzitet u Tuzli) iz reda osnivača na mandatni period od četiri godine.

2. Opis poslova Upravnog odbora:

Upravni odbor Univerziteta u Tuzli je organ upravljanja i nadležan je da daje mišljenje o Statutu Univerziteta u Tuzli, te donosi opće akte u skladu sa zakonom i statutom, donosi odluku o osnivanju drugih pravnih lica i organizacionih jedinica, utvrđuje planove finansiranja i razvoja, donosi godišnji program rada visokoškolske ustanove na prijedlog senata visokoškolske ustanove, donosi finansijski plan i usvaja godišnji obračun, usmjerava, kontroliše i ocjenjuje rad rektora u domenu finansijskog poslovanja, kao i rad direktora za ekonomske poslove i drugih lica koja imenuje, rješava pitanja sa osnivačem, odlučuje o korištenju sredstava za rad u skladu sa statutom, odgovara osnivaču za rezultate rada visokoškolske ustanove, odlučuje o prigovoru zaposlenika na odluke organa visokoškolske ustanove koji su u prvom stepenu odlučivali o pravima, obavezama i odgovornostima zaposlenika iz radnog odnosa, najmanje jedanput godišnje podnosi osnivaču izvještaj o poslovanju visokoškolske ustanove, rješava po prigovoru na odluku o prijemu u radni odnos nenastavnog osoblja kao i izabranih asistenata koji prvi put zasnivaju radni odnos na visokoškolskoj ustanovi, donosi pravilnik o unutrašnjoj organizaciji i sistematizaciji radnih mjesta i pravilnik o platama i drugim naknadama zaposlenika uz prethodnu saglasnost Vlade Tuzlanskog kantona, razmatra pitanja studentskog standarda, daje smjernice za definisanje upisne politike, utvrđuje iznos participacije i školarine u troškovima u sva tri ciklusa studija uz prethodnu saglasnost Vlade Tuzlanskog kantona, imenuje direktora studentskog centra na period od četiri godine, direktora za ekonomske poslove i generalnog sekretara na period od pet godina, te obavlja i druge poslove u skladu sa zakonom, osnivačkim aktom i statutom visokoškolske ustanove.

Članove upravnog odbora iz reda osnivača imenuje Vlada Tuzlanskog kantona. Članovima upravnog odbora Univerziteta pripada naknada za rad u upravnom odboru za sjednicu kojoj prisustvuju u visini koju utvrđuje Vlada Kantona.

3. Kandidat za predsjednika i člana upravnog odbora Univerziteta u Tuzli treba ispunjavati sljedeće opće uslove:

- da je državljanin Bosne i Hercegovine,
- da je stariji od 18 godina, ali ne stariji od 65 godina,
- da je zdravstveno sposoban za obavljanje poslova na koje se kandiduje,
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja konkursa za upražnjene pozicije
- da nije osuđivan za krivično djelo,

- da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poziva, djelatnosti ili dužnosti,
- da se na njega ne odnosi član IX stav 1. Ustava Bosne i Hercegovine,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj: 70/08.).

4. Pored ispunjavanja općih uvjeta, kandidat treba da ispunjava i sljedeće posebne uvjete:

- da ima završenu visoku stručnu spremu odgovarajućeg zanimanja, odnosno odgovarajući ekvivalent,
- da ima najmanje tri (3) godine radnog iskustva nakon sticanja visoke stručne spreme na poslovima u okviru svog zanimanja,
- da nije član upravnog, izvršnog ili drugog organa političke stranke,
- da nema privatni finansijski interes u reguliranom organu za koji se kandiduje kao ni drugih smetnji za imenovanje,
- da nije član upravnog ili nadzornog odbora druge javne ustanove, privrednog društva ili druge institucije, a ukoliko jeste član drugog upravnog, odnosno nadzornog odbora, kandidat će dostaviti ovjerenu izjavu da će po konačnom imenovanju odstupiti sa pozicije u roku od sedam dana od dana imenovanja),
- da kandidat nije direktor javne ustanove koja se finansira iz kantonalnog budžeta ili kantonalnog vanbudžetskog fonda.

Za sve kandidate koji u potpunosti ispunjavaju opće i posebne uslove iz ovog javnog konkursa u postupku konačnog izbora uzet će se u obzir i sljedeći kriteriji:

- dužina radnog iskustva na poslovima iz djelatnosti reguliranog organa,
- veći stepen stručne spreme srodnog zanimanja,
- komunikativne i organizatorske sposobnosti,
- minimum znanja o organizaciji i djelatnosti Univerziteta u Tuzli,
- sposobnost savjesnog i odgovornog obavljanja upražnjene pozicije,
- sposobnost nepristrasnog donošenja odluka,
- sposobnost upravljanja finansijskim i ljudskim resursima,
- naklonjenost timskom radu,
- rezultati rada tokom karijere.

Uz potpisanu prijavu kandidata, koja treba da sadrži kraću biografiju, adresu i kontakt-telefon, potrebno je priložiti sljedeću dokumentaciju:

- Uvjerenje o državljanstvu ili ovjerena fotokopija lične karte (ne starije od tri mjeseca),
- Izvod iz matične knjige rođenih ili ovjerena fotokopija lične karte (ne starije od tri mjeseca),
- Uvjerenje o zdravstvenoj sposobnosti (dostavljaju izabrani kandidat),
- Uvjerenje/potvrda da kandidat koji radi ili koji je radio u državnoj službi u periodu od tri (3) godine prije dana objavljivanja Javnog konkursa nije otpušten iz državne službe kao rezultat disciplinske mjere na bilo kom nivou vlasti u Bosni i Hercegovini (izdaje organ državne službe kod kojeg kandidat radi ili je radio u navedenom periodu), odnosno izjava ovjerena od strane nadležnog organa ne starija od tri (3) mjeseca da kandidat nije radio u državnoj službi u periodu od tri (3) godine prije dana objavljivanja Javnog konkursa (dostavljaju kandidati koji u navedenom periodu nisu radili u državnoj službi),
- Izjave kandidata ovjerene od strane nadležnog organa o ispunjavanju općih uvjeta iz tačke 3. alineja 5., 6., 7. i 8. Javnog konkursa (ne starije od tri (3) mjeseca);
- Dokaz o završenoj stručnoj spremi traženom Javnim konkursom (ovjerena fotokopija diplome);

- Dokaz o radnom iskustvu u struci;
- Izjave kandidata, ovjerene od strane nadležnog organa o ispunjavanju posebnih uvjeta iz tačke 4. alineja 3., 4., 5., i 6. Javnog konkursa (ne starije od tri (3) mjeseca).

Dokumenti priloženi uz prijavu moraju biti originali ili ovjerene kopije.

Kandidati zaposleni u organima državne službe koji uđu u uži izbor i budu pozvani na intervju, prilikom obavljanja intervjua dužni su priložiti rješenje kojim je kandidatu data pismena saglasnost od strane rukovodioca organa državne službe za obavljanje dopunske djelatnosti.

Prijavu sa dokazima o ispunjavanju gore navedenih uslova potrebno je dostaviti u roku od 15 dana od dana posljednjeg objavljivanja. Javni konkurs bit će objavljen u „**Službenim novinama Federacije Bosne i Hercegovine**“ i u dnevnim novinama „**Večernji list**“ .

Prijave sa traženim dokumentima dostavljaju se Ministarstvu obrazovanja i nauke Tuzlanskog kantona putem Centralne pisarnice Kantonalnih organa uprave (adresa Fra Grge Martića 8, 75 000 Tuzla) lično ili poštom preporučeno u zatvorenoj koverti sa naznakom:

"Prijava na Javni konkurs za imenovanje predsjednika i članova Upravnog odbora Javne ustanove Univerzitet u Tuzli, Komisiji za izbor – (NE OTVARAJ)"
Fra Grge Martića 8, 75000 Tuzla

Nepotpune ili neblagovremene prijave neće biti uzete u razmatranje.

Kandidati koji budu stavljeni na listu sa užim izborom biće pozvani na intervju pred komisiju za izbor.